

Morning Dogri (NSD) National News Bulletin 08-03-2025

आकाशवाणी

- अज्ज अंतर्राष्ट्रीय महिला ध्याड़ा मनाया जा करदा ऐ। राष्ट्रपति द्रौपदी मुर्मू होर इस मौके पर इक राष्ट्रीय कांफ्रेंस दा उदघाटन करंगन।
- प्रधानमंत्री नरेन्द्र मोदी होर अंतर्राष्ट्रीय महिला दिवस दे मौके पर गुजरात च लखपति दीदी सम्मेलन च शामिल होंगन।
- निर्वाचन आयोग नै आखेआ ऐ जे अगले त्रऊं म्हीने च डुपलीकेट मतदाता फोटो शिनाख्ती कार्ड संख्या-ईपीआईसी कन्नै सरबंधत मुद्दे गी हल करोग।
- संयुक्त राष्ट्र दी प्रवासन अजेंसी नै दस्सेआ ऐ जे अफ्रीका थमां प्रवासिएं गी लेइयै जा'रदियां 4 किशतीएं दे यमन कश डुब्बने दी खबर ऐ।
- मोंटेनग्रो च भारती ग्रैंड मास्टर प्रणव वेंकटेश नै कल रातीं फिंडे विश्व जूनियर शतरंज चैंपियनशिप दा खिताब जित्ती लैती ऐ।

<><><><><><>

IWD

अज्ज अंतर्राष्ट्रीय महिला दिवस मनाया जा करदा ऐ। एह ध्याड़ा महिलाएं गी राष्ट्रीय, जातीय, भाषाई, संस्कृतिक, आर्थिक जां राजनीतिक सीमाएं कोला परे होइयै उंदी उपलब्धिएं गी मानता दिंदा ऐ। अंतर्राष्ट्रीय महिला दिवस 2025 दा विषय ऐ "सबबने महिलाएं ते कुड़िएं गी अधिकार, बरोबरी ते उनेंगी बाचतेयार बनाना"। इस ब'रे दा विषय सबबने लेई बरोबर अधिकार ते मौके उपलब्ध कराना ते इक समावेशी भविक्ख लेई कारवाई दा आह्वान करना ऐ जित्थें कोई पिच्छे नेई रेई जा।

<><><><><><>

MWCD

महिला ते बाल विकास मं?ालय आस्सेआ नमीं दिल्ली दे विज्ञान भवन च "नारी शक्ति से विकसित भारत" विषय पर इक राष्ट्रीय स्तरै दी कांफ्रेंस लोआई जा करदी ऐ। राष्ट्रपति द्रौपदी मुर्मू होर इस कांफ्रेंस दा उदघाटन करंगन।

उदघाटनी सत्र दे मगरा इक उच्च स्तरी पैनल चर्चा कराई जाग। बक्ख-बक्ख क्षेत्रेदी मन्नी परमन्नी दी महिला लीडरें गी किट्टे आनने आस्तै त्रै तकनीकी इजलास बी लोआए जांगन।

<><><><><><>

PM-Lakhpati Didi

प्रधानमंत्री नरेन्द्र मोदी होर अज्ज गुजरात दे नवसारी जिले च वानसी-बोरसी ग्रां च लखपति दीदी प्रोग्राम च शामिल होंगन। श्री मोदी होर 25 ज्हार कोला मते आप मदादी समूहें दी ढाई लक्ख कोला मती महिलाएं गी माली सहायता दे तौर पर साढ़े चार सौ करोड़ रुपे दी रकम देंगन। नवसारी, वलसाड़ ते दाग जिले थमां इक लक्ख कोला मती लक्खपति दीदियां इस प्रोग्राम च शामिल होंगन। प्रधानमंत्री नरेन्द्र मोदी होरें हाल च गै अंतर्राष्ट्रीय महिला ध्याड़े कोला पैहले समूलचे भारत दी महिलाएं गी अपने जीवन दी प्रेरणा देने आली यात्रा गी नमां ऐप ओपन फोरम पर सांझा करने लेई आखेआ हा। इक खास पैहलकदमी दे तौर पर श्री मोदी होरें घोषणा कीती ही जे चुनी गेदी महिलाएं गी 8 मार्च गी उंदे सोशल मीडिया अकाउंट चलाने दी जिम्मेवारी दित्ती जाग, जेह्दे राएं एह महिला अपने तर्जुबे गी होरने कन्नै सांझा करी सकन।

<><><><><><>

Akashwani Special Programme

आकाशवाणी समाचार अज्ज अंतर्राष्ट्रीय महिला दिवस गी इक टकोह्दे तरीके कन्नै मना करदा ऐ। 24 घेंटे लेई सब्बै अंग्रेजी ते हिंदी समाचार बुलेटन महिला समाचार वाचकें आस्सेआ पेश कीते जा करदे न। सब्बै 45 मुख्य ते घेंअे परती औने आले बुलेटन, हिंदी ते अंग्रेजी च प्रसारत होने आले न्यूज मैगजीन प्रोग्राम बी महिलाएं आस्सेआ पेश कीते जांगन। अंग्रेजी ते हिंदी न्यूज रूम दा दिनें दा सारा कम्मकाज आकाशवाणी दे समाचार सेवा प्रभाग दे महिला अमले गी सौंपेआ गेदा ऐ। अंतर्राष्ट्रीय महिला दिवस पर आकाशवाणी समाचार पर रातीं सवा 9 बजे कोला लेइयै 10 बजे तोड़ी इक खास परिचर्चा दा प्रसारण कीता जाग।

<><><><><><>

Railway Loco Pilots

रेलवे नै आखेआ ऐ जे रेलवे च महिला लोको वसयलटें दी गिनतरी च 5 गुणा बाद्धा होआ ऐ। रेलवे गी संचालन मुत्तलक चुनौतिएं कारण मर्दे दे गलवे आला समझेआ जंदा हा।

महिलाएं लोको पायलट, स्टेशन मास्टर, सिगनल रक्खरखाव, गार्ड दे दुए कम्मं च बी प्रवेश पाई लैता ऐ।

<><><><><><>

EC

निर्वाचन आयोग नै आखेआ ऐ जे अगले त्रऊं म्हीनें च डुपलीकेट मतदाता फोटो शिनाख्ती कार्ड र्दपीआईसी कन्नै सरबंघत दहाकें पराने मुद्दे दा हल करोग। आयोग नै दस्सेआ जे उन्ने तकनीकी टीमें ते सरबंघत मुख्ख निर्वाचन अधिकारिएं कन्नै तफसीली चर्चा करने मगरा अगले त्रऊं म्हीने च इस बकाया पेदे मुद्दे गी हल करने दा फैसला कीता ऐ। डुपलीकेट मतदाता फोटो पंछान पत्र संख्या आले मजूदा मतदाताएं लेईइक राश्ट्रीय मतदाता फोटो पंछान पत्र संख्या जारी कीती जाग। इस पंछान पत्र कन्नै जेहड़ा मतदाता जिस कुसै मतदान केन्द्र दी मतदाता फेहरिस्त कन्नै जुड़े दा होग, ओह छड़ा उस्सै मतदान केन्द्र पर अपना वोट पाई सकदा ऐ। भारत च मतदाताएं दी फेहरिस्त दुनिया भरै दे मतदाताएं दी फेहरिस्त दा सब्बने शा बड्डा डेटासंग्रैह ऐ। एह्दे च 99 करोड़ थमां मते संजीकृत मतदाता न।

<><><><><><>

Yaman

संयुक्त राश्ट्र दी प्रवासन अजेसी नै दस्सेआ ऐ जे अफ्रीका थमां प्रवासिएं गी लेइयै जा'रदी चार किशिएं दे यमन ते जिबूती दे तटै कन्नै लगदे इलाकें च डुब्बने करी दऊं लोकें दी मौत होई गई ते 186 लापता होई गेदे न। अंतराश्ट्रीय प्रवासन संगठन दे प्रवक्ता तमीम एलियन होरें दस्सेआ जे दऊं किशियां यमन दे कंडे डुब्बी गेइयां। मन्नेआ जा'रदा ऐ जे किशिएं च सुआर मते लोक हथियोपियाई दे रौहने आले हे ते 5 यमन दे चालक दल दे सदस्य हे। दौनें किशिएं च 57 महिला सुआर हियां। घटना च 2 लोथां बरामद कीतिसयां गेइयां ते बाकी सब्बनें लोकें गी बचाई लैता गोआ ऐ। यमन पूर्वी अफ्रीका औने आले प्रवासिएं लेई खाड़ी मुख्खें च पुज्जने दा इक प्रमुख्ख रस्ता ऐ।

<><><><><><>

Adhaar

सरकार नै दस्सेआ ऐ जे पिछले म्हीने तकरीबन 225 करोड़ आधार प्रमाणिकरण कीते गे न। इलैक्ट्रानिक ते सूचना प्रौद्योगिकी मंत्रालय मूजब इस ब'रे फरवरी म्हीने च तकरीबन 43 करोड़ ई-केवाईसी प्रावेष्टियां कीतियां गेइयां जेहड़ा एहदे च 14 प्रतिशत दे वार्षिक बाद्धे गी दस्सदा ऐ। मंत्रालय मूजब इस ब'रे फरवरी म्हीने दे खीरे तगर आधार प्रमाणिकरण 14 जहार करोड़ दी गिनतरी पार करी गेआ। जिसलै के कल ई-केवाईसी 2 जहार करोड़ थमां मते होई गेदे न। मुंहादरे दी पंछान दे जरियै पिछले म्हीने तकरीबन 13 करोड़ आधार प्रमाणीकरण कीते गे। आधार पर आधारित प्रमाणीकरण दी बैंकिंग ते इयै जनेह् दुए सेक्टरें च बड़ी मती महत्वै आली भूमका ऐ।

<><><><><><>

Chess

मोटेनेग्रो च भारती ग्रैंड मास्टर प्रणव बेंकटेश नै कल रातीं फिंडे विश्व जूनियर शतरंज चैंपियनशिप दा खिताब जित्ती लैता ऐ। विश्व नाथन आनंद, पेंटाला हरिकृष्ण ते अभिजीत गुप्ता मगरा प्रणव विश्व जूनियर खिताब जित्तने आला चौथे भारती बनी गे न। तोआई ग्रैंड मास्टर अरविंद चितवरम होरें कल रातीं चेक गणराज्य च प्राग मास्टर्स शतरंज प्रतियोगिता दा खिताब जित्ती लैता।

<><><><><><>

WPL

महिला प्रीमियर लीग टी-20 क्रिकेट च गुजरात जायंटस नै कल रातीं लखनऊ च दिल्ली कैपिटल्स गी 5एं विकटें कन्नै हराया। 178 रंजें दे लक्ष्य दा पिच्छा करदे होई गुजरात जायंटस नै 5एं विकटें ते त्रै गेंदें दे रौहने जित्त दर्ज कीती। एहदे शा पैहले दिल्ली कैपिटल्स नै बल्लेबाजी करदे होई निर्धारत 20एं ओवरें च 5 विकटें दे नुक्सान पर 177 रंज बनाए हे।

<><><><><><>

Forg. Sec Russia

विदेश सचिव विक्रम मिसरी होरें कल मास्को च रूस दे उपविदेश मंत्री आंद्रे रूडनको हुंदे कन्नै विदेश विभाग सरबंधी सलाह सूत्र कीता ऐ। गल्लबात दरान दौनें धडें दपक्खी सरबंधे दी समीक्षा कीती ते आपू'चै दे हितें आले इलाकाई ते कुल संसारी मुद्दे पर बचार सांढे कीते। दौनें धडें पिछले ब'रे मास्को च लग्गे दे 22में सलाना शिखर सम्मेलन च लैते गेदे फ़ैसलें गी लागू करने दी प्रगति दा जायजा लैता। विदेश सचिव होरें रूस दे राष्ट्रपति हुंदे दफतर दे उपप्रमुख मैक्सिम आरेसिकिन, राष्ट्रपति हुंदे सैहयोगी यूरी उसाकोव ते उद्योग ते बपार उपमंत्रि एलेक्सी गुर्जदेव हुंदे कन्नै बी बैठक कीती।

<><><><><><>